



Soalan Lazim



Hubungi Kami



Aduan dan
Maklum Balas



Peta Laman

Utama

Profil Kementerian ▾

Piagam Pelanggan

Hubungi Kami ▾

[Utama](#) [Galeri Aktiviti](#) [Akhbar](#) [Bernama - Butiran Mengenai Bon Samurai Kedua Akan Dibuat Melalui Kenyataan Rasmi – Lim](#)

🕒 Rabu, Okt 30 2019



KUALA LUMPUR, 30 Okt -- Maklumat mengenai terbitan bon Samurai yang kedua akan diumumkan melalui kenyataan rasmi, kata Menteri Kewangan Lim Guan Eng.

Beliau berkata langkah itu untuk mengelak salah tafsiran mengenai bon Samurai.

"Kami akan memaklumkan kepada anda melalui kenyataan rasmi kerana ini melibatkan terbitan antarabangsa, ia akan dilakukan melalui kenyataan rasmi supaya tidak ada salah faham," katanya kepada pemberita di lobi Parlimen di sini hari ini.

Bon Samurai adalah aturan kerajaan kepada kerajaan dan juga usaha Perdana Menteri Tun Dr Mahathir Mohamad dan rakan sejawatnya dari Jepun, Shinzo Abe, yang bertujuan menjalin hubungan ekonomi dan budaya yang lebih erat antara Malaysia dan Jepun.

Sementara itu, mengenai cadangan Ketua Audit Negara (AG) untuk mengehadkan jaminan kerajaan, Lim berkata pada masa ini, walaupun keputusan mengenai jaminan dibuat oleh kementerianya, semua kelulusan akan melalui Kabinet dahulu.

"Kami sentiasa melalui Kabinet untuk mendapatkan kelulusan. Ia mesti mendapat kelulusan Kabinet.

"Selepas pengasingan antara jawatan perdana menteri dan menteri kewangan, terdapat semak dan imbang," kata Lim.

Pada 15 Okt, AG Datuk Nik Azman Nik Abdul Majid berkata terdapat kebimbangan mengenai keupayaan lima syarikat di bawah Menteri Kewangan Diperbadankan (MoF Inc) untuk memenuhi obligasi hutang mereka.

Beliau berkata syarikat tersebut mempunyai obligasi untuk membayar balik pendahuluan daripada kerajaan, merujuk kepada Seksyen 8 Akta Jaminan Pinjaman (Pertubuhan Perbadanan).

Lima syarikat itu ialah Kuala Lumpur International Airport Bhd, GovCo Holdings Bhd, Asset Global Network Sdn Bhd, Jambatan Kedua Sdn Bhd dan DanaInfra Nasional Bhd.

-- BERNAMA



Perkhidmatan MOF

Perkhidmatan Atas Talian



Aplikasi Mudah Alih

Laman Mikro



e-Penyertaan & Maklumbalas



Statistik & Prestasi



Pautan



Hubungi Kami

Kementerian Kewangan Malaysia
No. 5 Persiaran Perdana, Presint 2,
Pusat Pentadbiran Kerajaan Persekutuan,
62592 WP PUTRAJAYA

☎ 03-8000 8000

📅 03-88823893 / 03-88823894

✉ pro[at]treasury[dot]gov[dot]my



[Dasar Privasi](#) | [Dasar Keselamatan](#) | [Penafian](#) | [Peta Laman](#) | [Bantuan](#) | [Arkib](#) | [Undian](#)

© **Hakcipta Terpelihara Kementerian Kewangan Malaysia.**

Paparan terbaik menggunakan pelayar internet Safari, Chrome atau Firefox yang terkini.

Kemaskini terakhir: **14 Januari 2020** | Jumlah Pelawat: **27637216**